



Uunga  
Inatsisartunut ilaasortaq  
Justus Hansen  
-/ maani

**§ 37-imi Inatsisartunut ilaasortamit Justus Hansen-imit apeqqummut akissuteqaat pineqarluni Tasiilami eqqaanilu immiaaqqanik tuniniaasarneq.**

28. juni 2012  
Sagsnr. 2012-067944  
Dok. Nr. 948088

Inatsisartunut ilaasortaq qutsavigaara apeqqutaanut Tasiilami eqqaanilu immiaaqqanik tuniniaaqqusinnginneq pillugu.

Postboks 1160  
Tlf: 34 50 00  
Fax: 32 55 05  
3900 Nuuk

Email: [pn@nanoq.gl](mailto:pn@nanoq.gl)  
[www.nanoq.gl](http://www.nanoq.gl)

Apeqqutit imaapput:

- 1. Sunarpiaq pissutaava, Tasiilami ataanilu taaneqartuni nunaqarfinni junip ulluisa aallaqqaataani immiaararsisinnaannginnermut?**
- 2. Naalakkersuisut isumaqarpat ukiup ulluisa 365-t ilaanni ullormi ataasinguami immiaaqqanik nioqquteqarnissamut inerteqquteqarneq pinaveersaartitsinnermut arlaatigut iluaquteqartoq imaluunniit pineqaannarpa kaajallannerinnarmi nassaaq tusaqusaarutigalugu politikki?**
- 3. Suna pissutaava inerteqqut taamaallaat Tasiilamut nunaqarfiinullu tallimanut atuummat?**
- 4. Naalakkersuisut qanoq iliorniarpat junip ulluisa aallaqqaataani immiaararseqqusaannginnerup arlaatigut sunniuteqarnerisooq paasiniallugu?**
- 5. Kommuneqarfik Sermersuumi imigassanik aalakoornartortalinnik nioqquteqartarneq sassaallertarnerlu pillugit Namminersorlutik Oqartussat nalunaarutaat nr. 4, 4. marts 2011-meersoq allanngortinniallugu Naalakkersuisut pilersaaruteqarpat, ukiup ulluisa 365-iusut ilaanni ullormi ataatsimi immiaararsinissamut inerteqquteqarneq isumaqanngitsoq atorunnaarsinniallugu?**

**1-imut)**

Ulloq 1. juni nunani tamalaani meeqqat ulloraat, tassani ilaatigut meeqqat atugarisaat sammineqartarlutik. Ullormi tassani Kalaallit Nunaanni arlalippassuarnik meeqqanut sammisaqartitsinnermik kulturimut paasissutissiinernillu iliuuseqartoqartarpoq. Tasiilami nunaqarfinnilu tallimaasuni eqqartorneqartuni kommunalbestyrelsusimasooq meeqqat ulluannut atatillugu nersortarialimmik akisussaassuseqartumillu kissaateqarsimavoq, imigassanik aalakoornartulinnik tuniniaaneq, tassunga ilanngullugit immiaaqqanik, ullormi tassani inerteqqutigineqassasoq. Kissaateqarneq, nalunaarummut tunngaviliisimasooq, tassani ullormi 1. juni Tasiilami eqqaanilu imigassamik aalakoornartumik 2,25 sinnerlugu procentitalinnik imigassanik aalakoornartortalinnik tuniniaaneq sassaalliisarnerlu inerteqqutaallutik. Tassunga oqaatigineqassaaq, kalaallit kommuniini kommunalbestyrelsit namminneq periarfissaqarmata najukkani tuniniaanermik sassaalliisarnermillu inerteqquteqarnerit sulissutigisinnaallugit.

Tasiilami nunaqarfinnilu eqqartorneqartuni kommunalbestyrelsusimasup inerteqquteqarnermigut kissaatigisimavaa kommunimi meeqqanut malunnartinniallugu,

ulloq taanna taakku ullorigaat, aammalu ullormik nalliussisinnaassasut inersimasut aalakoortut akornanniinnatik.

## **2 aamma 3-mut)**

Apeqqut 1-mit akissuteqaammut innersuussisoqassaaq.

## **4-mut)**

Tasiilami Kommuneqarfik Sermersuup immikkoortortaqarfiani ilinniakkatigut siunnersoortaanerup Kurt Pedersen-ip ukioq manna KNR-imut meeqqat ulluannut atatillugu oqaatiginikuuvaa, ukioq manna ukiunilu qaangiuttuni inerteqquteqarneq Tasiilami meeqqat ulloqartitsisarnermut assorujussuaq iluatsitsisarnermik kinguneqartarsimasoq.

## **5-imut)**

Naalackersuisut pilersaaruteqanngillat inerteqquteqarneq atorunnaarsinniarlugu. Ilangullugu Naalackersuisut isumaqanngillat inerteqquteqarneq suusupaginninnerusoq, eqqarsaatigigaanni meeqqat ulluanni meeqqat atugarisaannik mianerinninnissaq pillugu ilusilersorneqarsimammat. Naalackersuisut saaffigineqassagaluarunik Tasiilami eqqaanilu kommunalbestyrelsimit inerteqquteqarnermik atorunnaarsitsiniarluni kissaateqarnermik, tamanna pillugu Naalackersuisut oqaloqatigiissutigissavaat.

Inussiarnersumik inuulluaqqusillunga

Agathe Fontain

Peqqissutsimut Naalackersuisoq